《三『創』》

李愛芬

第一幕 :第一場

人物:(榮,榮妻(穗),街坊,)

場景:(榮記雞檔)

榮:(高呼) 各位街坊!埋黎 睇!埋離揀!生猛清遠雞只係賣八十蚊一隻!想買就快手D啦!

(數個街坊一湧而上)

街坊 1: 榮記比個最好既我! 琴晚買果隻雞, 食過番尋味, 抵你賣得咁貴!

街坊 2: 咁又係呀!賺到錢梗係要食得好,住得好,唔係既話點對得住自己! 我要兩只八十蚊既!今日係香港回歸中國,梗係要賀一賀佢!

榮:好!快!

街坊 3: 做左百幾年既殖民地,終於唔使做孤兒仔啦!你唔好以為中央政府保守呀!我地一樣可以有呢個言論自由,仲可以一國兩制五十年不變添!

街坊 1: 係喔, 點解呢排唔見你來買"送"既?阿陳?

街坊 3: 冇啊!前一排我既仔炒股票赢左少少,請我去左歐洲旅行之嘛!

街坊 4:嘩!!你既仔咁好眼光既!上個月我先至聽你講佢贏左五,六萬今次 咪又斬唔少啦!

街坊 3: 十頭八萬左右啦!

街坊 1: 唔同你地講啦,我約左個經紀去8樓啊!

(街坊1出)

街坊 4: 弊阿榮我帶唔夠錢! 仲掙五蚊添!

榮:算啦!大家街坊街里,果幾蚊跌都跌左啦!

(來來往往的人群不斷進出雞檔, 榮與他的妻子忙得不依亦樂乎)

榮:老婆,今晚我地早 D 收工 囉!今日係七一回歸大日子,維港今日有煙花放喔,我地梗係要早 D 去到霸個靚位!

穗:唉呀!而家先至係四點咋!咁快就收檔,難得今日既雞賣得咁旺,梗夜 D 收工啦

榮:(走向穗,用力奪去戴在穗手上的手套)做o麥鬼野啊!長命工夫長命做,今晚賣少幾隻,聽日咪又掙番來,照呢個勢來睇我地賣雞既梗係長賣長有啦! 快D聽我話,收檔啦!

穗:喔!

第一幕:第二場

人物:(榮穗,一名菲庸)

內容概括: 禽流感事件發生, 榮的雞檔生變差

穗:(驚恐)老公點算呀 D 雞點會無拉拉發雞瘟,我地見呢排咁好賣,仲入左百幾隻雞.政府會唔會收番 D 雞架!

榮:(鎮定)淡定啦!我今早睇新聞,政府話禽流感只係得一兩單,擴散既機會好微.陳太仲話佢好放心,仲日日都食雞添!

穗: 係唔係架? 你都知啦! 政府 D 政策五時花六時變, 我點知佢地陣間又有咩野搞出來架! 唔得我都係出去收下風先。

(穗出,一菲庸入)

榮:早晨呀!今日 D 雞好新鮮呀!快 D 黎揀番隻啦.最多我計平 D 比你啦!

(從雞籠拿出一隻雞揍向菲庸)

菲庸:(厭惡)咦,你千奇唔好揍埋來!!我只係由呢邊行過,我太太叫我一定 唔好買雞食,連掂都咪掂添!

榮:你太太係邊個呀?佢咁鬼怕死架!你唔知政府都話食雞冇事既咩?

菲庸:我太太就係政府高官呀!做咩衛生處處長既哩唉.我都係唔好講咁多,快 D 走人先.費事惹到病菌

榮:(手執著雞吊在半空中)唉咪走住呀!計平D比你啊!

(菲用出)

第一幕:第三場

人物: 榮,職員甲,職員乙,職員丙

場景:雞檔

內容概括:因回收雞隻問題,榮與市政局職員起爭執.

職員甲:請問呢個雞檔既負責人係邊個?

榮:我係。

職員甲:我係市政局派來架,而家政府已經決定要殺雞晒全港所有的雞隻,因為情況有變,禽流感會擴散得好快.所以要即時將你鋪頭的雞消滅.

榮:(愕然) 唔係啊嘛?你地琴日先至話 d 雞會無事,點解而家又話有事,咁突然,叫我點算呀?

職員甲:我地都係照政府意思做事,為左安全起見,你都係簽左張協議書啦~,

政府會按照你的雞隻數量,每隻雞賠二十蚊,作為你既補償.

榮:你唔好去搶!囉雞成本都要四,五十蚊一隻,你叫我平過成本比你地,有可能,我咁咪蝕大本!

職員乙:我地會係雞銷毀後,過一排時間,等雞檔重開後,政府就會免你地三個月租......

榮:(切斷職員乙的說話,怒氣沖沖)免三個月租金,好巴閉咩?要我停開一排,我地手停口停,叫我食穀種呀?

職員丙:先生,你唔好咁激動,冷靜 d!

榮:你叫我點冷靜? 琴日仲好地地,今日就話殺雞政府大晒呀?我唔會簽架!!

(說完,榮拿起雞籠旁的水桶,將水倒向市政局職員身上.)

職員甲:先生,希望你可以好好同我地合作,始終禽流感可大可小.關乎人命....

榮:(再打斷職員的說話)收聲啦!我地既人命就唔係人命!我賣左二十年雞, 又唔見食死過人?你地使唔使小題大作?

(拿起身旁的地拖,向職員撥打)

榮:你地好快d走呀!!走呀!!咪阻住我做生意!!!

職員甲:如果你再唔合作,我就 call 警察來的!

榮:叫咪叫囉, 你地 d 官, 都係官官相護, 我唔會比你地得逞架!

(榮在此刻已決定括出去了,與市政局職員對峙了約五分鐘左右,警察到場)

警察甲:發牛什麼事?是誰報警?

職員甲:係我報警架,我係市政局的職員,我係來回收禽流感的雞隻,不過呢位先生唔肯合作,所以就勞煩師兄你啦!

警察甲:哦~原來係市政局既,咁先生你合作 d,唔好阻住政府做野!

榮:你地因住!!我點都唔會就範!

(此時檔口外聚集了一些看熱鬧的市民,漸漸哄動起來)

榮:(憤怒的向群眾說)你地睇下??政府就係咁做野.可以無啦啦搶走人地 d 雞!!遲 d 到你地啦!

(此時榮亦手舞足蹈的推倒職員甲)

警察甲:伙記,做野!

(警察甲一聲令下,其他警察將群眾趕走,然後又有兩個警察(警察丙及乙) 從後挾著榮)

警察丙:先生,你冷靜 d!

榮:(面紅耳赤的大喊)你放開我!警察大晒架!!!!

(榮又試圖逃脫)

警察乙:先生,你最好就節,唔好阻住政府做野!

(場面一度失控)群眾中有人開始大叫:喂!警察就可以隨便拉人架?放開榮 記呀!!!!

警察甲拿著大聲公:各位市民,請你地自重!!而家差人做緊野.請你地讓路!!

警察甲再對職員甲說:你地可以做野啦!

(榮頓時感到無能為力,只好就範,眼巴巴看著市政局職員將雞帶走,丟進垃圾袋,封口.....)

(最後警察好不容易的趕走圍觀者,不過沒有將榮帶走,只作□頭警戒。)

榮:天呀!!!點解要咁對我?

(穗入,看到檔口混亂,不禁牛疑)

穗:(愕然)老公?發生咩事?我地d雞呢?

榮:(低下頭,沒勁的回答)今次咩都無啦.........

第二幕:第一場

人物:榮,穗,舊顧客,

場景:豬肉檔

內容概括: 榮改做豬肉檔以來, 生意一直未見起色, 以下為他與穗與舊顧客的 一段談話.

穗:榮,下星期你係唔係入咁多豬肉?

榮:都係照舊!賣左一排,d生意,仲係冇乜起色?點解會咁架?都係同一個 街市 ja,點解 d 熟客唔見左既?

穗:萬事起頭難嘛,起碼我地執左雞檔,有錢開番間豬肉檔,已經算唔錯 啦!!

榮:但生意真係好差,一日先至賣咁少豬肉,咁樣落去又聽執笠啦……

(阿陳入黎,他欲前往買水果,被榮看見,拉著他的膊頭,停下來,和他寒暄 幾句)

榮:阿陳,好耐有見,你呢排好少落黎買菜,係唔係你個仔又炒贏股票,請左你去旅行啊?

阿陳:(面色暗然) 佢有炒好耐.

榮:點解?

阿陳:炒?左,差人一身債,點敢再炒?

穗:喔~~唔緊要既,人仲有起趺嘛!!買斤豬肉番去煲湯,計你平d又點話

呢,要幾多?

阿陳: 唔使啦!

榮:切舊啦,今日既豬肉好新鮮!

阿陳:(面色為難)我買左啦.

榮:(大聲)買左???你點解唔幫親我,係人都知我間豬肉檔賣得最平!!

阿陳:(指住手中的白佳膠袋,急急地說了一聲)我唔得閒,走先.

榮:(突然叫住了阿陳)老陳,你買d豬肉幾錢一斤?

阿陳:十二蚊.

(阿陳出)

榮:有有搞錯誤?貨都呢個價錢啦!佢?咁樣做咩咪即係頂爛市?!

穗:係咁我?都有辦法架!政府又唔肯幫我?呢?個體戶,我?邊有辦法同 佢? 鬥??

榮:(怒氣沖沖)真係無良!竟然幫佢?助大勢力,仲口口聲聲話幫我?呢 D 弱勢社群,我呸!

穗:算啦!只求生活過得去便算啦!

榮: 哼! 佢?咁做,即係迫我?去死!

第二幕:第二場

人物:(禁,阿成,穗,程師奶,郵差)

場景:豬肉檔

內容概括:負責走私豬肉的阿成,因金錢問題而爭吵,穗因此事與榮引起衝突!

開市前夕,阿榮在一切割豬肉,負責偷運豬肉的阿成神秘地進入.

榮:(看見阿成感到愕然,趕緊拉他到一旁,細聲說)你無啦啦走來做咩呀?你有咩事打電話比我得囉!

阿成:打電話比你?搵到你咩?如果唔係親自搵你,點可以搞清楚條數?

榮:條數唔係一早傾好左咩?五五分帳.

成:邊個話架?而家走私哮喘豬風險大左,起碼我7你三啦`

榮:你 7 我三,有有搞錯?你叫我點做落去?你唔好得寸進尺,大不了一拍兩 散。

成:你大我呀?一拍兩散咪一拍兩散,我唔掂你都成身蟻.

(穂入)

(榮欲與繼續理論,看見穗已經在檔口,愕然立即推了成一下,著他日後再商量)

穗:你有冇搞錯?竟然夾埋人地賣哮喘豬,你既良心去左邊?

榮:你識咩呀!你唔好理咁多啦`

穗:你叫我點可以唔理呀!你做緊犯法野呀!你以前唔係話,就算要乞食,腰 骨都要挺直!點解你會變得咁無人性架?

榮:(不憤) 咩事都會變架!香港夠話五十年不變啦!而家五年就變!做人正義有咩用?當到飯食咩?如果唔係賣呢 d 豬,而係賣果 d 豬,可以維持到今時今日咩?

穗:唔係呢,我地生活得幾艱難都好,總唔可以賣有病既豬,會害死人架!如 果繼續賣哮喘豬,不如我乎轉行啦!

榮:轉行?做得邊樣?賣左肉十幾年,咩都唔識!我而家咁做有咩唔好?而家經濟差,個個人都係咁捱,就好"次"阿陳既仔,以前佢幾風光?而家咪破左產!佢而家成日來買豬肉,我咁做咪即係幫左佢!!而且d豬又比超級市場搞到平晒,有錢賺,如果我唔做,听執笠啦~

(穗欲想好言相勸.不過見希街坊向這裡走來,無奈地搖頭,走到一旁)

榮:(笑容滿面)程師奶,又來買菜呀~要d咩呀?

程師奶:係呀!你乎 d 豬肉今日好新鮮喎,肉質都幾結實,比三十蚊瘦肉我啦!

榮:(表情木然)哦?

程師奶:啊!我個仔呢排岩岩哮喘好番,你比多十蚊豬肺比我啦,等佢補下先~

(榮低頭不語,只用刀割下豬肉)

程師奶:(一手接過榮給她的那袋豬肉)榮記,你真係唔話得,由賣雞到而家賣豬肉,都一直咁關照我地 d 街坊!

(這時,一位郵差進入, 送給阿榮一堆信)

(榮接過,不安,忽然抬起頭,本想沖口而出,說明豬肉的來源,但當眼望厚厚的水費單,電費單等,忽然用力一砍,切下一塊豬肺送給程師奶。)

(待程師奶走後, 突然叫住她。)

榮:程師奶,你記得去一去水呀~咁樣會好 d。

程師奶:哦`我會記得架,唔該你啦!

(程師奶出)

(听左程師奶既一聲{唔該},榮忽然大力扔下肉刀,走到豬肉檔內,全身癱瘓 地躺在地上。)

第三幕

人物:榮,穗,一對母女

場景:菜檔

內容概括:

榮:(高呼)喂!好靚既北京菜心呀!五蚊一斤呀!本地既菜心都好靚架!五蚊兩斤呀!快d埋黎揀啦喂!

穗:榮!你以前既起勁終於番晒黎啦!

榮:做人始終都係踏實 d 好,以前賣走私豬肉,每日都唔安樂,而家起碼安樂 好多,你講岩,只要肯捱,有咩會過唔到!唔好講咁多啦~~拿拿聲整好 d 菜, 就來開檔啦!

(一對母女進入街市)

女兒:(滿臉嫌棄)媽咪呀,點解呢度咁污糟架!成地濕立立,而家又冇冷氣, 好熱啊~(走過雞檔)e?仲成陣雞味,好難頂呀~究竟有冇人買菜架?

媽咪: 呢度係就係舊左 d, 不過呢度 d 老板好有人情味! 係度買左咁多年菜, 有感情擴嘛!

女兒:有人情味又點?落後就係落后,唉,而家乜野都講求競爭,同其他新開 既超級市場相比既啦~

(兩人逐漸走到菜檔)

榮:周師奶,買咩菜呀?今日d菜好新鮮啊!

女兒:指著發泡膠的價格)媽咪呀~個塊發泡膠上面寫住既係唔係價錢架?字形

咁奇怪既?

媽咪:一路以來都係用呢 d 字,方便我地睇嘛!

女兒:呢d咁古老既字,係你地先至識睇,好似鬼畫符咁!

榮:(拿起幾條黃瓜好讓那太太挑選)太太,你睇下......

收音機播出超市廣告:凡於藝康購買任何蔬果類均可有 BUY TWO GET ONE FREE 既優 4,如果買滿五十蚊仲可以參加由藝康同白佳聯合舉辦既雙人來回英國機票大抽獎,仲唔快木 D o 黎掃貨........

女兒:(匆忙牽著她媽媽的手)阿媽,你聽唔聽到!BUY TWO GET ONE FREE!又有大抽獎!都係唔好係度買啦~去番隔籬果間超市!

(兩母女出)

榮與穗:(手執疏果,無奈相望)我地以後點算啊??

全劇完